



Von der Marggraffschaft zu
Meyssen/ derer im nechsten Tittel gedacht / weitere
erklerung. Item / von dem wörtlein Marc / vnd wie die
Marggraffthumber nach einander auffkommen.

Der IX Tittel.

Schloß zu
Meyssen ge-
bawet vnd er-
nant.

WasserMeise.
Dorff Meyse.



M 930. Jar nach Christi ge-
burt / vnd also drey oder vier Jar für der
grossen Vngerischen Schlacht / so bey Mersburg/
wie gesagt / geschehen / hat Keyser *Henricus Auceps*/
das Schloß zu Meyssen anseuglichen bawen vnd zur
Festunge machen lassen / demselben auch / wie gleichs
falls vor gemeldet nach *Ditmar* meinung / diesen
Namen gegeben / von dem Wasserlein die Meise ge-
nant / so zwischen Mitternacht vnd Morgen in die
Elbe fließt / wie es etliche beschreiben / Welches Na-
mens auch ein Dörfflein daselbs vnter dem Schloßberge gelegen. Hicvpon sind
dieses *Ditmar* wort: *Hic montem vnum iuxta Albim positum, & arborum densita-
te tunc occupatum excoluit, ibi urbem faciens, de riuo quodam qui in Septentrio-
nali parte eiusdem fluit, nomen eidem Mysni imposuit, &c.*

Lupfurdum

Namen sehr
verändert wor-
den.

Wasser hat
ben gemeinlich
ihre alte
Namen am
langsten be-
halten.

Alteburg.

Alhie thun etliche newe Scribenten hinzu / Das dazumal auff der
andern seiten desselben Schloßberges als gegen Mittag gelegen gewesen ein altes
Städtlein / welches sie aus *Ptolemaeo Lupfurdum* nennen. Vnd solches habe der
Keyser / auch bey dem Schloß befestiget / oder mit Mawern vmbgeben lassen. Weil
er auch den alten Namen nicht gewußt aus vrsachen / das beyde Völcker vnd Stedte
Namen vnter der Wendischen Herrschafft ausgeilget worden (wie denn sonst
auch in den veränderungen vnd Wanderschafften der Völcker zugesehehen gepflegt /
darinnen nur die grossen Wasser eins theils ihre Namen am lengesten behalten) also
habe er solches vernewerte Städtlein vuch nach dem Schloß nennen lassen.

Etliche aber meinen das alte *Lupfurdum* sey nicht so gar nahe bey
dem Schloß gelegen gewesen / derwegen es dahin transferire / vnd also eine newe
Stadt gebawet worden / wie es auch *Ditmarus Urbem* nennet. Sie ziehen auch an /
das vber Meyssen an der Tribisch ein Berg gelegen / welchen die Natur gleich als
sonderlich von dem andern Gebirge abgesondert / jetzt noch die Alteburg genant. Aber
derselbe ort hat ein besser ansehen zu einem Bergschloß als zu einem Städtlein / Vnd
ist vielleicht das alte *Guonder* / dauon im 10. Tittel sol gesagt werden / daselbs ge-
standen.